

國學基本典籍叢刊

杜澤遜

審定

明活字本墨子 二

國家圖書館出版社

佚名 撰

明活字本墨子

第二冊

國家圖書館出版社

第二冊目錄

卷九

非樂中第三十三(闕).....	一
非樂下第三十四(闕).....	一
非命上第三十五.....	一
非命中第三十六.....	七
非命下第三十七.....	一
非儒上第三十八(闕).....	一七
非儒下第三十九.....	一七
經上第四十.....	二七
經下第四十一.....	二九
經說上第四十二.....	三三
經說下第四十三.....	三九
大取第四十四.....	五三
小取第四十五.....	六〇

卷十二

耕柱第四十六.....	六四
貴義第四十七.....	七五
公孟第四十八.....	八二
魯問第四十九.....	九五

卷十三

公輸第五十.....	一〇七
備城門第五十二.....	一一
備高臨第五十三.....	二四
備梯第五十六.....	二六
備水第五十八.....	二八
備突第六十一.....	二九
備穴第六十二.....	二九
備蛾傳第六十三.....	三五
迎敵祠第六十八.....	三九

卷十四

公輸第五十.....	一〇七
備城門第五十二.....	一一
備高臨第五十三.....	二四
備梯第五十六.....	二六
備水第五十八.....	二八
備突第六十一.....	二九
備穴第六十二.....	二九
備蛾傳第六十三.....	三五
迎敵祠第六十八.....	三九

卷十

非樂中第三十三(闕).....	一
非樂下第三十四(闕).....	一
非命上第三十五.....	一
非命中第三十六.....	七
非命下第三十七.....	一
非儒上第三十八(闕).....	一七
非儒下第三十九.....	一七
經上第四十.....	二七
經下第四十一.....	二九
經說上第四十二.....	三三
經說下第四十三.....	三九
大取第四十四.....	五三
小取第四十五.....	六〇

卷十一

非樂中第三十三(闕).....	一
非樂下第三十四(闕).....	一
非命上第三十五.....	一
非命中第三十六.....	七
非命下第三十七.....	一
非儒上第三十八(闕).....	一七
非儒下第三十九.....	一七
經上第四十.....	二七
經下第四十一.....	二九
經說上第四十二.....	三三
經說下第四十三.....	三九
大取第四十四.....	五三
小取第四十五.....	六〇

卷十五

耕柱第四十六.....	六四
貴義第四十七.....	七五
公孟第四十八.....	八二
魯問第四十九.....	九五
公輸第五十.....	一〇七
備城門第五十二.....	一一
備高臨第五十三.....	二四
備梯第五十六.....	二六
備水第五十八.....	二八
備突第六十一.....	二九
備穴第六十二.....	二九
備蛾傳第六十三.....	三五
迎敵祠第六十八.....	三九

旗幟第六十九……………	一四二
號令第七十……………	一四四

雜守第七十一……………	一六二
-------------	-----

墨子卷之九

非樂中第三十三 闕

非樂下第三十四 闕

非命上第三十五

子墨子言曰古者王公大人爲政國家者皆欲國家之富
人民之衆刑政之治然而不得富而得貧不得衆而得寡
不得治而得亂則是本失其所欲得其所惡是故何也子
墨子言曰執有命者以雜於民間者衆執有命者之言曰
命富則富命貧則貧命衆則衆命寡則寡命治則治命亂
則亂命壽則壽命夭則夭命雖強勁何益哉上以說王公
大人下以駟百姓之從事故執有命者不仁故常執有命



奈

民

者之言不可不明辯然則明辯此之說將奈何哉子墨子
言曰必立儀言而毋儀譬猶運鈞之上而立朝夕者也是
非利害之辯不可得而明知也故言必有三表何謂三表
子墨子言曰有本之者有原之者有用之者於何本之上
本之於古者聖王之事於何原之下原察百姓耳目之實
於何用之廢以爲刑政觀其中國家百姓人民之利此所
謂言有三表也然而今天下之士君子或以命爲有益蓋
嘗尚觀於聖王之事古者桀之所亂湯受而治之紂之所
亂武王受而治之此世未易也未淪於桀紂則天下亂在
於湯武則天下治豈可謂有命哉然而今天下之士君子
以命爲有益嘗尚觀於先王之書先王之書所出國家

布施百姓憲也先王之憲亦嘗有曰福不可請而禍不可
諱敬無益暴無傷者乎所以聽獄制罪者刑也先王之刑
亦嘗有曰福不可請禍不可諱敬無益暴無傷者乎所以
整設師旅進退師徒者誓也先王之誓亦嘗有曰福不可
請禍不可諱敬無益暴無傷者乎是故子墨子言曰吾當
未鹽數天下之良書不可盡計數大方論數而五者是也
今雖毋求執有命者之言不必得不亦可錯乎今用執有
命者之言是覆天下之義覆天下之義者是立命者也百
姓之誅也說百姓之誅者是滅天下之人也然則所爲欲
義在上者何也曰義人在上天下必治上帝山川鬼神必
有幹主萬民被其大利何以知之子墨子曰古者湯封於

奈

毫絕長繼短方地百里與其百姓兼相愛交相利移則分
率其百姓以上尊天事鬼是以天鬼富之諸侯與之百姓
親之賢士歸之未歿其世而王天下政諸侯昔者文王封
於岐周絕長繼短方地百里與其百姓兼相愛交相利則
是以近者安其政遠者歸其德聞文王者皆起而趨之罷
不肖股肱不利者處而願之曰奈何乎使文王之地及我
吾則吾利豈不亦猶文王之民也哉是以天鬼富之諸侯
與之百姓親之賢士歸之未歿其世而王天下政諸侯卿
者言曰義人在上天下必治上帝山川鬼神必有幹王萬
民被其大利吾用此知之是故古之聖王發憲出令設以
爲賞罰以勸賢是以入則孝慈於親戚出則弟長於鄉里

辨

弟

坐處有度出入有節男女有辯是故使治官府則不盜竊
守城則不崩叛君有難則死出亡則送此上之所賞而百
姓之所譽也執有命者之言曰上之所賞命固且賞非賢
故賞也上之所罰命固且罰不暴故罰也是故入則不慈
孝於親戚出則不治長於鄉里坐處不度出入無節男女
無辯是故治官府則盜竊守城則崩叛君有難則不死出
亡則不送此上之所罰百姓之所非毀也執有命者言曰
上之所罰命固且罰不暴故罰也上之所賞命固且賞非
賢故賞也以此爲君則不義爲臣則不忠爲父則不慈爲
子則不孝爲兄則不良爲弟則不弟而強執此者此持凶
言之所自生而暴人之道昔然則何以知命之爲暴人之

至

道皆上世之窮民貪於飲食情於從事是以衣之財不足而飢寒凍餒之憂至不知曰我罷不肖從事不疾必曰我命固且貧苦上世暴王不忍其耳目之淫心涂之辟不順其親戚遂以亡失國家傾覆社稷不知曰我罷不肖爲政不善必曰吾命固失之於仲虺之告曰我聞于夏人矯天命布命于下帝伐之惡龔喪厥師此言湯之所以非桀之執有命也於太誓曰紂夷處不肯事上帝鬼神禍厥先神提不祀乃曰吾民有命無廖排扇天亦縱之棄而弗葆此言武王所以非紂執有命也今用執有命者之言則上不聽治下不從事上不聽治則刑政亂下不從事則財用不足上無以共粢盛酒醴祭祀上帝鬼神降綏天下賢可之

士外無以應待諸侯之賓客內無以食飢衣寒將養老弱
致命上不利於天中不利於鬼下不利於人而強執此者
此持凶言之所自生而暴人之道也是故子墨子言曰今
天下之士君子忠實欲天下之富而惡其貧欲天下之治
而惡其亂執有命者之言不可不非此天下之大害也

非命中第三十六

子墨子言曰凡出言談由文學之爲道也則不可而不先
立義法若言而無義譬猶立朝夕於負鈞之上也則雖有
巧工必不能得正焉然今天下之情僞未可得而識也故
使言有三法三法者何也有本之者有原之者有用之者
於其本之也考之天鬼之志聖王之事於其原之也徵以

奈

先王之書用之奈何發而爲刑此言之三法也今天下之士君子或以命爲亡我所以知命之有與亡者以衆人耳目之情知有與亡有聞之有見之謂之有莫之聞莫之見謂之亡然胡嘗考之百姓之情自古以及今生民以來者亦嘗見命之物聞命之聲者乎則未嘗有也若以百姓爲愚不肖耳目之情不足因而爲法然則胡不嘗考之諸侯之傳言流語乎自古以及今生民以來者亦嘗有聞命之聲見命之體者乎則未嘗有也然胡不嘗考之聖王之事古之聖王舉孝子而勸之事親尊賢良而勸之爲善發憲布令以教誨賞罰以勸沮若此則亂者可使治而危者可使安矣若以爲不然昔者桀之所亂湯治之紂之所亂武

王治之此世不渝而民不改上變政而民易教其在湯武則治其在桀紂則亂安危治亂在上之發政也則豈可謂有命哉夫曰有命云者亦不然矣今夫有命者言曰我非作之後世也自昔三代有若言以傳流矣今故先生對之曰夫有命者不志皆也三代之聖善人與意亡昔三代之暴不肖人也何以知之初之列士桀大夫慎言知行止上有以規諫其君長下有以教順其百姓故上有以規諫其君長下有以教順其百姓故上得其君長之賞下得其百姓之譽列士桀大夫聲聞不廢傳流至今而天下皆曰其力也一不顧其國家百姓之政繁爲無用暴逆百姓使下不親其上是故國爲虛厲身在刑僇之中必不能曰我見

饑

人久

命焉是故昔者三代之暴王不繆其耳目之淫不慎其心
志之辟外之歐騁田獵畢弋內沈於酒樂而罷不肖我爲
刑政不善必曰我命故且亡雖昔也三代之窮民亦由此
也內之不能善事其親戚外不能善事其君長惡恭儉而
好簡易貪飲食而惰從事衣食之財不足使身至有饑寒
凍餒之憂心不能曰我罷不肖我從事不疾必曰我命固
且窮雖昔也三代之僞民亦猶此也繁飾有命以教衆愚
樸久矣聖王之患此也故書之竹帛琢之金石於先王
之書仲虺之告曰我聞有夏人矯天命布命于下帝式是
惡用闕帥此語夏王桀之執有命也湯與仲虺共非之先
王之書太誓之言然曰紂夷之居而不肯事上帝棄闕比

先神而不祀也曰我民有命毋侮其務天不亦棄縱而不
葆此言紂之執有命也武王以太誓非之有於三代不國
有之曰女毋崇天之有命也命三不國亦言命之無也於
召公之執今於然且敬哉無天命惟予二人而無造言不
自降天之哉得之在於商夏之詩書曰命者暴王作之且
今天下之士君子將欲辯是非利害之故當有天命者不
可不疾非也執有命者此天下之厚害也是故子墨子非
也

非命下第三十七

子墨子言曰凡出言談則必可而不先立儀而言者不先
立儀而言譬之猶運鈞之上而立朝夕焉也我以爲雖有

萬

朝夕之辯必將終未可得而從定也是故言有三法何謂
三法曰有考之者原之者有用之者惡乎考之考先聖大
王之事惡乎原之察衆之耳目之請惡乎用之發而爲政
乎國察萬民而觀之此謂三法也故昔者三代聖王禹湯
文武方爲政乎天下之時曰必務舉孝子而勸之事尊
賢良之人而教之焉善是故出政施教賞善罰暴且以爲
若此則天下之亂也將屬可得而治也社稷之危也將屬
可得而定也若以爲不然昔桀之所亂湯治之紂之所亂
武王治之當此之時世不渝而民不易上變政而民政俗
存乎桀紂而天下亂存乎湯武而天下治天下之治也湯
武之力也天下之亂也桀紂之罪也若以此觀之夫安危

治亂存乎上之爲政也則夫豈可謂有命哉故昔者禹湯文武方爲政乎天下之時曰必使飢者得食寒者得衣勞者得息亂者得治遂得光譽令問於天下夫豈可以爲命哉故以爲其力也今賢良之人尊賢而好功道術故上得其王公大人之賞下得其萬民之譽遂得光譽令問於天下亦豈以爲其命哉又以爲力也然今天有命者不識昔也三代之聖善人與意亡皆三代之暴不肖人與若以說觀之則必非昔三代聖善人也必暴不肖人也然今以命爲有者昔三代暴王桀紂幽厲貴爲天子富有天下於此乎不而矯其耳目之欲而從其心意之辟外之毆騁田獵畢弋內湛於酒樂而不顧其國家百姓之政繁爲無用暴